

水經注卷十四



漢 桑 欽 撰

後魏 酈 道元 注

濕餘水 沽水 鮑丘水 濡水

遼水 小遼水 涘水

濕餘水出上谷居庸關東

關在沮陽城東南六十里居庸界故關名矣使者入上谷耿況迎之於居庸關即是關也其水導源關山南流歷故關下谿之東岸有石室三層其戶

水經注 卷十四 一

牖扇扉悉石也蓋古關之候臺矣南則絕谷累石

為關址崇墉峻壁非輕功可舉山岫層深側道褊

峽林鄣據嶮古本作嶮險林本鄣嶮蓋誤路才容軌曉

禽暮獸寒鳴相和羈官遊子聆之者莫不傷思矣

其水歷山南逕軍都縣界又謂之軍都關續漢書

曰尚書盧植隱上谷軍都山也其水南流出關謂

之下口水流潛伏十許里是也

又東流過軍都縣南又東流過薊縣北

濕餘水故瀆東逕軍都縣故城南又東重源潛發

鍾云非寒鳴  
一字說不出  
和和之妙

積而爲潭謂之濕餘潭又東流易荆水注之其水

導源西北逕千蓼泉亦曰丁蓼水東南流逕郁山

西謂之易荆水公孫瓚之敗于鮑丘也走保易荆

疑岨此水也范曄漢書麴義攻公屯田瓚破之於鮑

瓚所居易京故瓚軍數在敗乃走還易京固守此云易

荆正同但易荆水又東左合虎眼泉水出平川東

南流入易荆水又東南與孤山之水合水發川左

導源孤山東南流入易荆水謂之塔界水又東逕

薊城又東逕平昌縣故城南又謂之昌平水魏氏

水經注

卷十四

二

土地記曰薊城東北一百四十異有昌平城城西

有昌平河又東北注濕餘水濕餘水又東南流左

右芹城水宋本作芹城水注之水出北山南逕芹城又古本作

東南流注濕餘水濕餘水又東南流逕安樂故城

西更始使謁者韓鴻北狗承制拜吳漢爲安樂令

卽此城也

又北屈東南至狐奴縣西入于沽河

昔彭寵使狐奴令王梁南助光武起兵自是縣矣

濕餘水於縣西南東入沽河故地理志曰濕餘水

自軍都縣東至潞南入沽是也

沽河從塞外來

沽河出禦夷鎮西北九十里丹花嶺下東南流大谷水注之水發鎮北大谷谿西南流逕獨石北界石孤生不因河而自峙又南九泉水注之水導北川左右翼注入川共成一水故有九源之稱其水南流至獨石注大谷水大谷水又南逕獨石西又南逕禦夷鎮城西魏太和中置以捍北狄也又東南尖谷水注之水源出鎮城東北尖谿西南流逕

水經注

卷十四

三

鎮城東西南流注大谷水亂流南注沽水又南出峽岍有二城世謂之獨固門以其藉嶮憑固易爲依居

宋本作據  
宋疑作據

兼壁昇聳踈通若門故得是名也

沽水又南左合乾谿水引北川西南逕一故亭東又西南注沽水沽水又西南逕赤城東趙建武年并州刺史王霸爲燕所敗退保此城城在山阜之上下抗深隍谿水之名藉以變稱故河有赤城之號矣沽水又東南與鵲谷水合有二源南卽陽樂水也出且居縣

漢志且居縣  
有樂陽水

地理志曰水出縣東

北流逕大翻山小翻山北歷女祁縣故城南地理志曰東部都尉治王莽之祁縣也世謂之橫水又謂之陽曲河又東南逕一故亭又東左與舊鹵水合水之出西北山東南流逕舊鹵城北城在居庸縣西北二百里故名云候鹵太和中更名禦東鎮又東南流注陽樂水陽樂水又東南逕傍狼山南山石。白一竹色特上。亭亭孤立超出羣山之表又東南逕溫泉東泉在山曲之中又逕赤城西屈逕其城南東南入赤城河河水又東南右合高峯水水

水經注

卷十四

四

出高峯戍東南城在山上其水西南流又屈而東南入沽水沽水又西南流出山逕漁陽縣故城西而南合七度本水出北山黃頌谷故亦謂之黃頌水東南流注于沽水沽水又南漁水注之水出縣東南平地泉流西逕漁陽縣故城南考諸地說則無聞所識釋疑識誤釋考地尋川則有應氏疑脫誤有自今城在斯水之陽有符應說漁陽之名當屬此秦發閭左戍漁陽卽是城也漁陽又西南入沽水又南與螺山之水合水出漁陽城南小山魏氏土地記

譚云只綴口  
句便見教種  
植卽是禦虜  
長策

曰城南五里有螺山其水西南入沽水沽水又南  
逕安樂縣故城東晉書地道記曰晉封劉禪為公  
國俗謂之西潞水也

南過漁陽狐奴縣北西南與濕餘水合為沽河

沽水西南流逕狐奴山西又南逕狐奴縣故城西

漁陽太守張堪於縣開稻田教民植鍾當植作百姓

得以殷富童謠歌曰桑無附枝麥秀兩岐張君為

政樂不可支視事八年匈奴不敢犯塞沽水又南

陽重溝水注之出狐奴山南轉逕狐奴城南王莽

水經注 卷十四 五

之所謂舉符也側城南注右會沽水沽水又南濕

餘水注之沽水又南左會鮑丘水世所謂東潞也

沽水又南逕潞縣為有潞名潞河也魏氏土地記

曰城西三十里有潞河也

又東南至雍奴縣西笥溝

濕水入焉俗謂之合口也又東鮑丘水於縣西北

而東出焉

又東南至泉州縣與清河合東入于海清河者派河

尾也

沽河又東南逕泉州縣故城東王莽之泉謂也治  
水又東南合清河也今無水清湛漳洹滌易涑濡  
沽虘池同歸于海故經曰派河尾也

鮑丘水從塞外來南過漁陽縣東

鮑丘水出禦夷北塞中南流逕九莊嶺東俗謂之  
大榆河又南逕鎮東南九十里西密雲戍西又南  
左合道人谿水水北川南流逕孔山西又歷密雲  
戍東左合孟廣峴水水出峴下峴甚增峻峨峨冠  
衆山之表其水西逕孔山南上有洞穴開明故土

水經注

卷十四

六

俗以孔山流稱峴水又西南至密雲戍東西注道  
人水亂流逕密雲戍城南右會大榆河有東密雲  
故是城言西矣大榆河又東南流白楊泉水注之  
北發白楊谿望雖疑右注大榆河又東南龍芻谿  
水自決注之大榆河又東南峽逕安州舊漁陽郡  
之滑鹽縣南左合縣之北谿水水出縣北廣長塹  
南太和中掘此以防北狄其水南流逕滑鹽縣故  
城東王莽更名匡德也漢明帝改曰鹽田右承治  
世謂之斛鹽城西北去禦夷鎮二百里南注鮑丘

水又南逕僂溪縣故城東占本按漢書地志虎溪陽郡

有音庠題字或孟康云王莽更之曰敦德也鮑丘水又

西南逕獷平縣故城東王莽之所謂平獷也又南

合三城水水出四里山西逕平獷城四里古本謂

之三城水又逕香陘山上悉生橐本香世故名焉

又西逕石窟南窟內寬廣行者依焉窟內有水淵

而不流栖薄者取給焉又西北逕伏凌山南與石

門水合水出伏凌山山高峻巖鄣寒深陰崖積雪

凝冰夏結事同離騷峨峨之詠故世人因以名山

水經注 卷十四 七

也水西南流注之是水有桑谷之名蓋汭出桑谿

故也又西南逕獷平城東南而右注鮑丘水鮑丘

水東南逕漁陽郡治也秦始皇二十二年置王莽

更名通潞縣曰得漁地理志王莽名漁陽縣曰鮑

丘水又西南流公孫瓚既害劉虞烏丸思劉氏之

德迎其子和合衆十萬破瓚於是水之上斬首一

萬鮑丘水又西南歷狐奴城東又西南流注之于

沽河亂流而南

又南過潞縣西

鍾云甚質核  
此等文體宜  
如此  
朱云一篇制  
度大文章善  
長注畧盡碑  
刻此爲最典

□云立水未  
必誤亦未必  
□脫遏長字  
後文入有立  
水五尺

鮑丘水入潞通得鮑丘之稱矣高粱水注之首受

濕水於戾陵堰水北有梁山山有燕刺王旦之陵

故以戾陵名堰水自堰枝分東逕梁山南又東北

逕劉靖碑北碑云宋詞本作魏使持節都督河北道

諸軍事征北將軍建城鄉侯沛國劉靖字文恭登

梁山以觀源流相際相際疑作以度形勢嘉武安

之通渠美秦民之殷富乃使帳下督丁鴻軍士千

人以嘉平二年立遏遏當作壩下同洛陽記云千

於水道高粱河造戾陵遏開車箱渠其遏表云高

水經注

卷十四

梁河水者出自并州黃河之別源時長岍峻固直

截中流積石籠以爲主遏高一丈東西長三十丈

南北廣七十餘步依北岍立水門門廣四丈立水

水下脫壩長二字 十丈山川宋本作暴戾則乘遏東下平

流守常則自門地宋本作人灌田歲二千頃凡所

封地百餘萬畝至景元三年辛酉詔書以民食轉

廣陸廢不贍遣謁者樊晨更制水門限田千頃刻

地四千三百一十六頃出給郡縣改定田五千九

百三十頃水流乘車箱渠自薊西北逕昌平東□



漁陽潞縣凡所潤舍宋本四五百里所灌田萬有

餘頃高下孔濟原隰底平疏之斯漑決之斯散導

渠口以為濤門灑漉池以為甘澤施加於當時敷

被于後世晉元康四年君少子驍騎將軍平鄉侯

弘受命使持節監幽州諸軍事領護烏丸掾尉寧

朔將軍遏立積三十六載至五年夏六月洪水暴

出毀損四分之三乘謝云乘宋本作剩孫云疑作

亦誤北岍七十餘丈上渠車箱所在漫溢追惟前立

遏之勲親臨山川指授規畧命司馬關內侯逢暉

水經注 卷十四 九

內外將士二千人起長岸立石渠修立遏治水門

門廣四丈立水疑脫一五尺興復載利通塞之宜

準遵舊制凡用功四萬有餘焉諸部王侯不召而

自至繹負而疑脫一事者蓋數千人詩載經始勿

亟易稱民忘其勞斯之謂乎於是二府文武之士


感秦國思鄭渠之績魏人置豹祀之義乃遐慕仁

政追述成功元康五年十月十一日刊石立表以

紀勲烈并記遏制度永為後式焉事見其碑辭又

東南流薊縣北又東至潞縣注于鮑丘之水又南

逕潞縣故城西王莽之通潞亭也漢光武遣吳漢  
耿弇等破銅馬五幡於潞東謂是縣也屈而東南  
流逕潞城南世祖拜彭寵為漁陽太守治此寵叛  
光武遣游擊將軍鄧隆伐之軍於是水之南光武  
策其必敗果為寵所破遺壁故壘存焉鮑丘水又  
東南入夏澤澤南紆曲渚一十餘里北佩謙澤眇  
望無限也謝云謙澤一作無垠  
又南至雍奴縣北屈東入于海

鮑丘水自雍奴縣故城西北舊分笥溝水東出合  
水經注  卷十四 十

笥溝斷衆川東注混同一瀆東逕其縣北又東與  
洵河合水出右北平無終縣西山白楊谷西北流  
逕平谷縣屈西南流獨樂水入焉水出北抱犢固  
南逕平谷縣故城東後漢建武元年光武遣十二  
將追大槍五幡及平谷大破之於是縣也其水南  
流入于洵洵水又東舊本無左合盤山水水出山  
上其山峻嶮人跡罕交去山三十許里望山上水  
可高二十餘里素湍皓然頽波歷谿沿流而下自  
西北轉注于洵水洵水又東南逕平谷縣故城東

譚云奇觀瀑  
□五洩俱為  
□巫矣  
□遊山第  
□妙法莫先  
□如□□

口詩遠望多  
聚容杜子美  
詩齊魯青未  
了峯峯次低  
昂皆非實歷  
語而極幻極  
真可爲曉人  
道也

南與洳河會水出北山山在僂奚縣故城東南東  
南流逕博陸故城北又屈逕其城東世謂之平陸  
城非也漢武帝璽書封大司馬霍光爲侯國文穎  
曰博大陸平取其嘉名而無其縣食邑北海河東  
薛瓚曰按漁陽有博陸城謂此也今在宋在本居山  
之陽處平陸之上匝帶川流面據四水文氏所謂  
無縣有嘉美名也洳水又東南流逕平谷縣故城  
西而東南流注于渠洳河洳河又南逕緱城東而  
南合五百溝水水出七山北東逕平谷縣之緱城

水經注

卷十四

十一

南東入于洳河洳河又東南逕臨河城北屈而歷  
其城東側城南出竹書紀年梁惠成王十六年齊  
師及燕戰于洳水齊師遯卽是水也洳水又南入  
鮑丘水又東合泉州渠口故瀆土承宰池水於泉  
州縣故以泉州爲名北逕泉州縣東又北逕雍奴  
縣東西去雍奴故城一百二十里自虘池一作沱後文虘  
凡虘池字皆同北入其下歷水澤一百八十里入鮑丘河  
謂之泉州口陳壽魏志曰曹太祖以蹋頓擾邊公  
將征之從洳口鑿渠逕雍奴泉州以通河海者也

譚云兩物故  
是勁敵讎相  
守力相延物  
□殊妙

今無水鮑丘水又東庾水注之水出右北平徐無

縣北塞中而南流歷徐無山得黑牛谷水又得沙

谷水並西出山東流注庾水昔田于秦避難居之

衆至五千家于秦當作子泰按魏志田疇字子泰于北平無終人避公孫瓚之難遂入

徐無山中營深險至五千餘家居開山圖曰山出不

灰之木生火之石案注云其水色黑似炭而無葉

有石赤色如丹以一石相磨則火發以然無夾可

以終身謝云宋本可以終身然無今則無之其水又逕

徐無縣故城東王莽之北順亭魏氏土地記曰右

水經注 卷十四 十二

北平城東北一百一十里有徐無城其水又西南

與周盧溪水合水出徐無山東南流注庾水庾水

又西南流灑水注之水出右北平俊靡縣王莽之

俊麻也世謂之車輦水又東南流與溫泉水合水

出北山溪即溫源也養疾者不能澡其炎漂以其

過灼故魏氏土地記曰徐無城東有溫湯即此也

其水南流百步便伏流入于地下水盛則通注灑

水又東南逕石門峽山之高嶄絕壁立洞開俗謂

之石門□漢中平四年漁陽張純反殺右北平太

譚云金玉輝  
映

不云陽翁伯  
之種石單道  
□之噉石似  
□不經然天

□□□有此  
□□□□

□□一語雋  
□□□自來  
□□□□更  
□

守劉政遼東太守陽紘中平五年與中郎將孟溢  
率公孫瓚討純戰于石門大破之灑水又東南流  
謂之北黃水又屈而為南黃水又西南逕無終山  
即帛仲理所合神丹處也又於是山作金五千斤  
以救百姓山有陽翁伯玉田在縣西北有陽公壇  
社即陽公之故居也搜神記曰雍伯雒陽人至性  
篤孝父母終沒葬之於無終山山高八十里而上  
無水雍伯置飲焉有人就飲與石一斗令種之玉  
生其田北平徐氏有女雍伯求之要以白璧一雙

水經注

卷十四

十三

媒者致命伯至玉田求得五雙徐氏妻之遂即嫁

焉孫云嫁疑作家蓋陽氏譜叙言翁伯是周景王

之孫食采陽樊春秋之末爰宅無終因陽樊而易

氏焉愛仁宋本作人博施天祚玉田其碑文云居于縣

北六十里翁同之山後路徙於西山之下陽公又

遷焉而受玉田之賜情不好寶玉田自去今猶謂

之為玉田陽于寶曰於種石處四角作大石柱各

一丈中央一頃之地名曰玉田至今相傳云田玉

當作田之揭起于此矣而今不知所在同之譜叙自

去文矣此二句疑藍水注之水出北山東屈而南

流逕無終縣故城東故城無終子國也春秋襄公

十四年無終子嘉父使孟樂如晉因魏絳納虎豹

之皮請和諸戎是也故燕地矣秦始皇二十二年

滅燕置右北平郡治此王莽之所謂北順也漢世

李廣為郡出遇伏石謂虎也射之飲羽即此處矣

魏氏土地記曰右北平城西北百三十里有無終

城其水又南入灑水灑水又西南入于庚水地理

志曰灑水出俊靡縣南至無終東入庚下一作庚水

水經注 卷十四 十四

庚水世亦謂之為柘水也南逕燕山上懸巖之側

有石鼓去地百餘丈望若數百石困有石梁貫之

鼓之東南有石疑脫一援桴狀同擊勢耆舊言燕

山石鼓鳴則土有兵庚水又南逕北平城西而南

入鮑丘水謂之柘口鮑丘水又東逕右北平郡故

城南魏氏土地記曰薊城東北三百里有右北平

城鮑丘水又東巨梁水注之水出土垠縣北陳宮

山西南流逕觀雞山謂之觀雞水水東有觀雞寺

寺內有大堂甚高廣可容千僧下悉結石為之上

□□敘經度  
□□為雅□  
□□□人不  
□□□□隨  
□□□□漢  
□□□□六

朝試使敘此  
等事無古句  
可集吾知其  
□奚  
譚云構既奇  
文亦雋

加塗墜基內踈通枝經脉散基側室外四出爨□  
炎勢內流一堂盡溫蓋以此土寒嚴霜氣肅猛出  
家沙門率皆貧薄施主慮闕道業故崇斯構是以  
志道者多栖託焉其水又西南流又宋本合區落  
水出縣北山東南流入巨梁水巨梁水又西逕土  
垠縣故城西左會寒渡水水出縣東北西南流至  
縣右注梁河梁河又南澗于水注之水出東北山  
西南流逕土垠縣故城東西南流入巨梁水又東  
南右合五里水水發北平城東北五里山故世以

水經注

卷十四

十五

五里名溝一名田繼泉西流南屈逕北平城東東  
南流注巨梁河亂流入于鮑丘水巨梁自是水之  
南極虜池西至泉州雍奴東極於海謂之雍奴藪  
其澤野有九十九澱挾流條右挾流條右當往往  
逕通非唯梁河鮑丘歸海者也

濡水從塞外來東南過遼西令支縣北

濡水出禦夷鎮東南其水二源雙引夾山西北流  
出山合成一川又西北逕禦夷故城東鎮北百四  
十里北流左道則連泉水注之出故城東西北流

逕故城南又西北逕淥水池南其水淵而不流其  
水又西屈而北流又東逕故城北連結兩池沼謂  
之連泉浦又東北注難河難河右則汗水入焉水  
出東塢南西北流逕沙野南北人名之曰沙鎮東  
北二百三十里西北入難河濡難聲相近狄俗語  
譌耳濡水又北逕沙野西又北逕箕安山東屈而  
東北流逕沙野北東北流逕林山北水北有池潭  
而不流濡水又東北流逕孤山南東北流呂泉水  
注之水出呂泉塢西東南流屈而東逕塢南東北  
水經注

卷十四

濡水

十六

流三泉水注之其源三泉鴈次合爲一水鎮東北  
四百里東南注呂泉水呂泉水又東逕孤山北又  
東北逆流水注之水出東南導泉西流右屈而東  
北注木林山水會之水出山南東注逆水亂流東  
北注濡河濡河又東盤泉入焉水自西北東南流  
注濡河濡河又東南水流迴曲謂之曲河鎮東北  
三百里又東出峽入安州界東南流逕漁陽白檀  
縣故城地理志曰濡水出縣北蠻中漢景帝詔李  
廣曰將軍其帥師東轅弭節白檀者也又東南流



譚云寫互相  
藏納之意如  
見

□云垂綆試  
穴猶是常情  
彎弧量峰奇  
出意表

右與要水合水出塞外三川並導謂之大要水也  
 東南流逕要陽縣故城東本都尉治王莽更之曰  
 要術矣要水又東南流逕白擅縣而東南流入于  
 濡濡水又東而南索頭水注之水北流南逕廣陽  
 僑郡西魏分右北平置今安州治又南流注于濡  
 水濡水又東南流武列水入焉其水三川派合西  
 源右為谿水亦曰西藏水東南流出谿與蟠泉水  
 合泉發州東十五里東流九十里東注西藏水西  
 藏水又西南流東藏水注之水出東谿一曰東藏  
 水經注

卷十四

十七

水西南流出谷與中藏水合水導中谿南流出谷  
 南注東藏水故目其川曰三藏川水曰三藏水東  
 藏水又南右入西藏水亂流右會龍泉水水出東  
 山下淵深不測其水西南流注于三藏水三藏水  
 又東南流與龍芻水合而出于龍芻之谿東流入  
 藏水又東南流逕列谿謂之武列水東南歷石襫  
 作襫一  
 挺一下左層巒之上有孤石雲舉臨崖危峻可高  
 百餘仞牧守所逕命選練之士彎弧矢無能屈其  
 崇標者其水東合流入濡濡水又東南五渡水注

之水北出安樂縣丁原山南流逕其縣故城西本  
三會城也其水南入五渡塘於其川也流紆曲溯  
涉者頻濟故川塘取名矣又南流注于濡濡水又  
與高石水合水東出安樂縣東山西流歷三會城  
南西入五渡川下注濡水濡水又東南逕盧龍塞  
塞道自無終縣東出渡濡水向林蘭陁東至清陁  
盧龍之嶮峻坂縈折故有九崢之名矣燕景昭元  
璽二年遣將軍步渾治盧龍塞道焚山刊石令通  
方軌刻石嶺上以記事功其銘尙存而庾杲之注

水經注

卷十四

十八

楊都賦言盧龍山在平罌城北殊爲孟浪遠失事  
實余按盧龍東越清陁至凡城二百許里自凡城  
東北出趣平罌故城可百八十里向黃龍則五百  
里故陳壽魏志田疇引軍出盧龍塞塹山堙谷五  
百餘里逕白擅歷平罌登白狼望柳城平罌在盧  
龍東北遠矣而仲初言在南非也濡水又東南逕  
盧龍故城東漢建安十二年魏武征蹋頓所築也  
濡水又南黃洛水注之水北出盧龍山南流入于  
濡濡水又東南水又合焉

水又舊本作洛水合焉

水出

盧龍塞西南流注濡水又合屈而注得去潤水又會敖水二水並自盧龍西注濡水又東南流逕令支縣故城東王莽之令氏亭也秦始皇二十二年分燕置遼西郡令支縣焉縣宋本作隸魏氏土地記曰肥如城西十里有濡水南流注逕孤竹城西右合玄水也謂之小濡水非也水出肥如東北玄溪西南流逕其縣東東屈南轉西迴逕肥如縣故城南俗又謂肥如水非也故城肥子國應劭曰晉滅肥子奔燕燕封於此故曰肥如也漢高帝六年封

水經注

卷十四

十九

蔡寅爲侯國西南流右合盧水水出縣東北沮溪南流謂之大沮水又南左合陽樂水水出東北陽樂縣地理風俗記曰陽樂故燕也遼西郡治秦始皇二十二年置魏氏土地記曰海陽城西南有陽樂城其水又西南入于沮水謂之陽口沮水又西南小沮水注之水發冷溪世謂之冷池又南得溫泉水口注之出東北溫溪自溪西南流入于小沮水小沮水又南流與大沮水合而爲盧水也桑欽說盧子之書言晉旣滅肥遷其族於盧水盧水有

□云前云入  
於濡亦無水  
字

譚云夢語異  
棺語更異孤  
竹子生不食  
周薇死豈藏

周地且古棺  
□朽神胡可  
□海水能漂  
□安在彼  
□妄言之吾  
□□駁之疑  
□父子之癡  
矣

<p>二渠號小沮大沮合而入于玄<small>脫一字</small>盧水又南與</p>	<p>溫水合水出肥如城北西流注于玄水地理志曰</p>	<p>盧水又南入玄水玄水又西南逕孤竹城北西入</p>	<p>濡水故地理志曰玄水東入濡蓋自東而注也地</p>	<p>理志曰令支有孤竹故城孤竹國也史記曰孤竹</p>	<p>君之二子伯夷叔齊讓國於此而餓死于首陽漢</p>	<p>靈帝時遼西太守廉翻夢人謂己曰余孤竹君之</p>	<p>子伯夷之弟遼海漂吾棺槩聞君仁善願見藏覆</p>	<p>明日視之水上有浮棺矣<small>宋本</small>嗤笑者皆無疾而</p>	<p>水經注  卷十四 二十</p>	<p>死於是改葬之晉書地道志曰遼西人見遼水有</p>	<p>浮棺欲破之語曰我孤竹君也汝破我何為因為</p>	<p>立祠焉祠在山上城在山側肥如縣南十二里水</p>	<p>之會也</p>	<p>又東南過海陽縣西南入于海</p>	<p>濡水自孤竹城東南逕主鄉北瓠溝水注之出城</p>	<p>東南東流注濡水濡水又逕牧城南分為二水北</p>	<p>水枝出世謂之小濡水也東逕樂安亭北東南人</p>	<p>海濡水東南流逕樂安亭南東與新河故瀆合自</p>
--	----------------------------	----------------------------	----------------------------	----------------------------	----------------------------	----------------------------	----------------------------	---	---	----------------------------	----------------------------	----------------------------	------------	---------------------	----------------------------	----------------------------	----------------------------	----------------------------

雍奴縣承鮑丘水東出謂之鹽關口魏太祖征蹋  
頓與洵口俱導也世謂新河矣陳壽魏志以通河  
海也新河又東北絕庾水又東北出逕右北平絕  
洵渠之水又東北逕昌城縣故城北至至宋本衍作  
王莽之淑武也新河又東爲二水枝瀆東南入海  
新河自枝渠東出合封大水謂之交流合水出新  
平縣西南流逕新平縣故城西地理志遼西之屬  
縣也又東南流龍鮮水注之水出縣西北世謂之  
馬頭山二源俱導南合一川東流注大水地理志

水經注

卷十四

二十一

曰龍鮮水東入封大水者也亂流南會新河南流  
于海地理志曰封大水於海陽縣南入海新河又  
東出海陽縣與緩靈水會水出新平縣東北世謂  
之大籠山東南流逕令支城西西南流與新河合  
南流于海地理志曰緩靈水與封大水皆南入海  
新河又東與素河會謂之白水口出令支縣之藍  
山南合新河又東南入海新河又東至九過口枝  
分南注海新河又東逕海陽縣故城南漢高祖六  
年封搖母餘爲侯國魏土地記曰令支城南六十

□□曹公樂  
□水何澹澹  
□島竦峙秋  
□□瑟洪波  
湧起是一幅  
□石圖此注  
□往而見四  
□又□手所  
不能指也  
朱云海神亦  
□醜如此舉  
動可笑

里有海陽城者也新河又東與清水會水出海陽  
縣東南流逕海陽城東又南合新河又南流一十  
許里西入九過一作注海新河東絕清水又東木  
究水出焉南入海新河又東左迤爲孔陽孤淀名  
宋本無右絕新河南注海新河又東會于濡濡水  
又東南至叅縣碣石山文潁曰碣石在遼西叅縣  
王莽之選武也叅縣并屬臨渝王莽更臨渝爲憑  
德地理志曰大碣石山在右北平驪成縣西南王  
莽改曰碣石也漢武帝亦嘗登之以望巨海而勒  
水經注  卷十四 二十二

其石於此今枕海有石如堦朱本作甬道數十里當山  
頂有大石如柱形往四字幻往而見立於巨海之中潮水  
大至及潮波退不動不沒不知深淺世名之天橋  
柱也狀若人造筆活亦非人力所就韋昭亦指此以  
爲碣石也三齊畧記曰始皇於海中作石橋海神  
爲之豎柱始皇求爲爲當相見神曰我形醜莫圖  
我形當與帝相見乃入海四十里見海神左右莫  
動手工人潛以脚畫其狀神怒曰帝負約速去始  
皇轉馬還前脚猶立後脚隨崩僅得登岸畫者溺

鍾云此亦如子產辨臺駘實沈之類春秋時實有此段學問不可以爲怪而疑之今其書其人絕久矣

死於海衆山之石皆傾注今猶岌岌東趣疑即是也濡水於此南入海而不逕海陽縣西也蓋經誤

證耳又按管子齊桓公二十年征孤竹來管子至

卑耳之谿十里管子然止矐然視授弓將射引

而未發謂左右曰見前乎左右對曰不見公曰寡

人見長尺而人物具焉冠右祛衣走馬前豈有人

若此乎管仲對曰臣聞豈山之神有偷兒長尺人

物具管子霸王之君興則豈山之神見且走馬

前走導也祛衣示前有水右祛衣示從右方涉也

水經注 卷十四 二十三

至卑耳之谿有贊水者從左方涉其深及冠右方

涉其深至膝已涉陸古本濟桓公拜曰仲父之聖

此宋本作仲父寡人之私罪也久矣管子今自

孤竹南出則巨海矣而滄海之中山望多矣然卑

耳之川若贊溪者亦不知所在也昔在漢世海水

波襄吞食地廣當同碣石苞淪洪波也

大遼水出塞外衛白平山東南入塞過遼東襄平縣

西埤按此西字舊本作注誤今改正

遼水亦言出碣石山自塞外東流直遼東之望平

縣西王莽之長說也屈而西南流逕襄平縣故城  
西秦始皇二十二年滅燕置遼東郡治此漢高帝  
八年封紀通爲侯國王莽之昌平也故平州治又  
東逕舊本無又東逕遼隧縣故城西王莽更名之  
曰順陸也公孫淵遣將軍畢衍拒司馬懿於遼隧  
卽是處也遼水又南歷縣有小遼水其流注之也  
又東南過房縣西

地理志曰房故遼東之屬縣遼水又右會白狼水  
水出右北平白狼縣東南謝云南下廣成縣北流

水經注

卷十四

二十四

西北屈逕廣成縣故城南王莽之平虜也俗謂之  
廣都城又西北石城川水注之水出西南石城山  
東流逕石城縣故城南地理志曰右北平有石城  
縣北屈逕白鹿山西卽白狼山也魏書國志曰遼  
西單于蹋頓尤強爲袁氏所厚故袁尙歸之數入  
爲害公出盧龍塹山堙谷五百餘里未至柳城二  
百里尙與蹋頓將數萬騎逆戰公登白狼山望柳  
城卒與虜遇乘其不整縱兵擊之虜衆大崩斬蹋  
頓胡漢降者二十萬口英雄記曰曹操於是擊馬



譚云死獅尚  
能噉生雞狗  
彼如狸者來  
更當何如

□云六字乃  
□倭字有脫  
無譌

鞍於馬上作十片即於此也博物志曰魏武於馬	上逢獅子使格之殺傷甚衆王乃統 <small>宋本</small> 率常從	健兒數百人擊之獅子哮呼奮越左右咸驚王忽	見一物從林中出如狸起上王車輒上獅子將至	此獸便跳上獅子頭上獅子即伏不敢起於是遂	殺之得獅子而還未至洛陽四十里洛陽雞狗皆	無鳴吠者也其水又東北入廣成縣東注白狼水	白狼水北逕白狼縣城東王莽更名伏狄白狼水	又 <small>古本</small> 東方城川水注之水發川西南山下流北	水經注  卷十四 二十五	屈逕一故城西世謂之雀目城東屈逕方城北東	入白狼水白狼水又東北逕昌黎縣故城西地理	志曰交黎也東部都尉治王莽之禽虜也應劭曰	今昌黎也高平川水注之水出西北平川東流逕	倭城北蓋委也人從之 <small>六埠字有譌</small> 脫 <small>以下</small> 又東南逕	乳樓城北蓋逕戎鄉邑兼夷稱之又東南注白狼	水白狼水又東北自魯水注之導西北遠山東南	注白狼水白狼水又東北逕龍山西燕慕容晁 <small>李</small>	<small>別本</small> 以柳城之北龍山之南福地也使陽裕築龍
---------------------	--------------------------------------	---------------------	---------------------	---------------------	---------------------	---------------------	---------------------	--------------------------------------	---	---------------------	---------------------	---------------------	---------------------	---	---------------------	---------------------	-------------------------------------	-------------------------------------

城改柳城爲龍城縣十二年黑龍白龍見於龍山  
晃親觀龍去二百步祭以太牢二龍交首嬉翔解  
角而去晃悅大赦號新宮曰和龍宮立龍翔祠于  
山上白狼水又北逕黃龍城東十三州志曰遼東  
屬國都尉治昌黎道有黃龍亭者也魏營州刺史  
治魏氏土地記曰黃龍城西南有白狼河東北流  
附城東北下卽是也又東北濫真水出西北塞外  
東南歷重山東南入白狼水白狼水又東北出東  
流爲二水右水疑卽渝水也地理志曰渝水首受

水經注

卷十四

二十六

白狼水西南巡山逕一故城以爲河連城疑是臨  
渝縣之故城王莽曰憑德者矣渝水南流東屈與  
一水會世名之曰檻倫水蓋戎方之變名耳疑卽  
地理志所謂侯水北入渝者也十三州志曰侯水  
南入渝地理志言蓋自北而南也又西南流注于  
渝渝水又東南逕一故城東俗曰女羅成又南逕  
營丘城西營丘在齊而名之於遼燕之間者蓋燕  
齊遼迴宋本作迴僑分所在其水東南入海地理  
志曰渝水自塞南入海一水東北出塞爲白狼水

又東南流至房縣至注當作于遼魏氏土地記曰白狼水下入遼也

又東過安市縣西南入于海

十三州志大遼水自塞西南至安市入于海

又玄菟高句麗縣有遼山小遼水所出西南至遼隧縣入于大遼水也

縣故高句麗相之國也漢武帝元封二年平右渠置玄菟郡於此王莽之下句麗水出遼山西南流逕遼陽縣與大梁水會水出北塞外西南流逕□

水經注

卷十四

二十七

遼水故地理志曰大梁水西南至遼陽入遼□□志曰縣故屬遼東後入玄菟其水西南流故謂之爲梁水也小遼水又西南逕襄平縣爲淡淵晉永嘉三年涸小遼水又逕襄平縣入大梁水司馬宣王之平遼東也斬公孫淵於斯水之上者也

泚水出樂浪鏤方縣東南過於臨泚縣東入于海

許慎云泚水出鏤方東入海一曰出泚水縣十三州志曰泚水縣在樂浪東北鏤方縣在郡東蓋出其縣而逕鏤方也謝云鏤方也二字下昔燕人衛滿

自涿水而至朝鮮朝鮮故箕子國也箕子教民以  
義田織信厚約以八法而下知禁遂成禮俗戰國  
時滿乃王之都王險城地方數千里至其孫右渠  
漢武帝元封二年遣樓船將軍楊僕左將軍荀彘  
討右渠破渠于涿水遂滅之若涿水東流無渡涿  
之理其地今高句麗之國治余訪蕃使言城在涿  
水之陽其水西流逕故樂浪朝鮮縣卽樂浪郡治  
漢武帝置而西北流故地理志曰涿水西至增地  
縣入海又漢興以朝鮮爲遠循遼東故塞至□□

水經注

卷十四

二十八

爲界考之今古於事差謬蓋經誤證也